

四庫全書

集部

欽定四庫全書

集部

文苑英華卷二百十五  
十二

詳校官太僕寺少卿臣李廷欽

助教臣常循履勤

總校官進士臣朱鈜

校對官編修臣盧燧

謄錄監生臣王貽桂

欽定四庫全書

文苑英華卷二百十

宋 李昉等 編

樂府十九

臨高臺八首

登高臺一首

上之回五首

釣竿篇四首

箜篌謠二首

箜篌引二首

公無渡河四首

苦熱十二首

苦寒六首

猛虎行四首

臨高臺

梁簡文帝

高臺半行雲望望不可

高一作高不

極草樹無參差山河同一

色髣髴洛陽道道遠難可

一作別

識玉階故人情

一作情人情

來苦

一作共

相憶

同前

張正見

層臺邇清漢出迥架重栱飛棟臨黃鶴高牕度白雲風

前朱幔

一作愧

色霞處綺疏分此中多怨曲地遠詎能聞

同前

沈約

高臺不可望遠望使人愁連山無斷絕河水復悠悠所  
思竟一作愛何在洛陽南陌頭可望不可見一作至何用解  
人愁

同前

蕭愨

崇臺高百尺迥出望仙宮畫棋浮朝氣飛梁照晚虹小  
衫飄霧縠艷粉拂輕紅笙吹汶陽篠琴奏嶧山桐舞逐  
飛龍引花隨少女風臨春今若此極宴豈無窮

同前

褚亮

高臺軒俯臨飛翼聳輕音浮光隨日度漾影逐波深迴  
瞰周平野開懷暢遠衿一作襟獨此三休上還傷千里心

同前

王勃

臨高臺高臺迢遞絕浮埃瑤軒綺構何崔嵬鸞歌鳳吹  
清且哀俯瞰長安道萋萋御溝草斜對甘泉路蒼蒼茂  
林樹高臺四望同帝鄉佳氣鬱葱葱紫閣丹樓紛照耀  
壁房錦殿相玲瓏東彌長樂觀西指未央宮赤城映朝  
日綠樹搖春風旗亭百隧開一作問新市甲第千甍分戚

里朱輪翠蓋不勝春疊樹層楹相對起復有青樓大道  
中繡戶文窓雕綺櫳錦衣畫不襞羅帷夕未空歌屏朝  
掩翠粧鏡晚窺紅為吾安寶髻蛾眉罷花叢狹路塵間  
黯將暮雲開月色明如素鴛鴦池上兩兩飛鳳凰樓下  
雙雙度物色正如此佳期那不顧銀鞍繡轂盛繁華可  
憐今夜宿倡家倡家少婦不須顰東園桃李片時春君  
看舊日高臺處栢梁銅雀尚一作黃塵

同前

沈佺期

高臺臨廣陌車馬紛相續迴首思舊鄉雲山亂心曲遠  
望河流緩周看原野綠向夕林鳥還憂來飛景促

同前

王易從

漢主事初連良人在高闕空臺寂已暮愁坐變容髮汎  
艷春幌風徘徊秋戶月可憐軍書斷空使流芳歇

登高臺

王僧孺

試出金華殿聊登銅雀臺九路平如掌一作砥千門乘晚

一作洞已開軒車映日至一作過簫管逐風來若非邯鄲美便



是洛陽才

上之回

蕭愨

發輟城西疇迴輿事北遊山寒石道凍葉下故宮秋朔  
路傳清蹙邊風卷畫旒歲餘巡省畢按節一作擁仗返皇州

同前

陳子良

承平重遊樂詔蹕上之回屬車響流水清笳轉落梅嶺  
雲蓋道轉巖花映綬開下輦便高宴何如在瑤臺

同前

盧照隣

回中道路險蕭關烽候多五營屯右北一作地萬乘出西

河單于拜玉璽天子按琯戈振旅汾川曲秋風橫大歌

同前

沈佺期

制書下闕右天子問回中壇墠經過遠威儀侍從雄黃  
麾搖晝日青憶曳松風迴望甘泉道龍山隱漢宮

同前

李白

三十六離宮樓臺與天通閣道步行月美人愁烟空恩  
踈寵不及桃李傷春風淫樂意何極金輿向回中萬乘

出黃道千旗揚綵虹前軍細柳北後騎甘泉東豈問渭  
川老寧邀襄野童但慕一作秋慕瑤池宴歸來樂未窮

釣竿篇

劉孝綽

釣舟畫彩鷁漁子服冰紈金轄茱萸網銀鈎翡翠竿促

棹一作斂橈隨水脉急艇渡江湍一作急漿湍長自不亂前

浦有佳期船交橈一作棹影合浦深魚出避荷根時觸餌

菱芒乍冒絲蓮度江南手衣渝京北眉垂竿自有一一作未

樂誰能為太師

同前

張正見

結宇長江側垂釣渡

一作  
釣廣

川潄竹竿橫翡翠桂髓擲黃

金人來戲

一作  
水

鳥沒檝渡岸花沉蓮搖見魚近綸畫覺

潭深渭水終須卜滄浪徒自吟空嗟

一作  
明

芳餌下獨見

有貪心

同前

李巨仁

潺湲面江海滉漾曠波瀾不惜黃金餌惟憐翡翠竿斜  
綸控急水定檝下飛湍潭迴風來易川長霧歇難寄言

朝市客滄浪徒自安

同前

劉孝威

試持玄渚釣暫罷池陽獵翠羽飾長綸藻花裝小艤釣  
利斷蓴絲帆舉牽菱葉聊載前魚童還看後舟妾

筮侯謠

前人

結交在相得骨肉何必親甘言無忠實世薄多蘓秦從  
風暫靡草富貴上昇人一作真不見高巔樹摧折下為薪

豈甘一作目井中泥時至出作塵

同前

李白

攀天莫登龍走山莫騎虎貴賤結交心不移惟有嚴陵  
及光武周公稱大聖管蔡寧相容漢謠一斗粟不與淮  
南春兄弟尚路人一作行路吾心安所從他人方寸間山海  
幾千重輕言托朋友對面九疑峰多花必早落桃李不  
如松管鮑久已亡一作死何人繼其蹤

筌篲引

又曰公無渡河

李賀

公平公乎提一作揚壺將焉如屈平沉湘不足慕徐衍一作

羨入海誠為愚公乎公乎牀有莞席盤有魚北里有賢  
兄東隣有小姑隴畝油油黍與葫瓦瓶濁醪蟻浮浮黍  
可食醪可飲公乎公乎其一作奈居被髮奔流竟何如  
賢兄小姑哭嗚嗚

此詩三百三十五卷重出今已削去

李憑箏篋引

李賀

吳絲蜀桐張高秋空白凝雲顏不流湘娥啼竹素女愁  
李憑中國彈箏篋崑山玉碎鳳凰叫芙蓉泣露香蘭一作

蘭香笑十二門前融冷光二十三弦動紫篴一作皇女媧鍊

石補天處石破天驚逗秋雨夢入神山教神嫗老魚跳  
波瘦蛟舞吳質不眠倚桂樹露脚斜飛濕寒鬼

公無渡河

劉孝威

請公無渡河河廣風威厲檣偃落金烏舟傾沒犀柀紺  
蓋空嚴祠白馬徒牲祭銜石傷寡心崩城掩孀袂劍飛  
猶共水魂沉魄俱逝君為川后臣一作神妾作江妃娣

同前

張正見



金堤分

一作紅

錦纜白馬渡蓮舟風巖歌響絕浪急

一作湧

榜人愁棹折桃花水帆橫竹箭流何言沉璧處千載偶

陽侯

同前

李白

黃河西來決崑崙咆哮萬里觸龍門波滔天堯咨嗟大

禹理百川兒啼不窺家殺湍湮洪流

一作水

九州始蠶麻

其害乃去茫然風沙被髮之叟狂而癡清晨徑

一作臨

流

欲奚為旁人不惜妻止之公無渡河苦渡之虎可搏河

難馮公果溺死流

一作沉

海湄海湄有長鯨白齒若雪山

公乎公乎挂骨於其間篋篋所悲竟不還

同前

陳標

陰風颯颯浪花愁半度驚湍半挂舟  
聲盡雲天君不住  
命懸魚鼈妾同休  
黛蛾芳臉垂珠淚  
羅襪香裾赴碧流  
餘魄豈能銜木石  
獨將遺恨付篋篋

苦熱

梁簡文帝

六龍驚不息三伏啓炎陽  
寢興煩几案俯仰倦惟床  
滂

沱汗似淪

一作鏢

霏微風如湯，洄池愧生浪。蘭殿非含霜。

細簾時半掩，輕幌乍橫張。雲斜花影沒，日落荷心香。願

見洪崖井，誰

一作詎

憐河朔觴。

同前

任昉

旭旦烟雲卷，烈景入東軒。傾光望轉蕙，斜日照西垣。既  
卷蕉，梧葉復傾葵。藿根重葦無冷氣，挾石似懷溫。霖  
類珠綴，喘赫狀雷奔。

同前

何遜

昔聞草木焦今覩沙石爛  
噓噓風逾靜瞳瞳日漸旰  
習

靜悶

一作悶

衣巾讀書煩几案  
卧思清露挹

一作灑

坐待高

一作明

星燦蝙蝠戶中飛  
蠖蠓窓間亂實無河朔飲空有

臨溜汗遺金自不拾  
惡木寧無幹願以三伏晨催促九  
秋換

同前

劉孝威

日暮苦炎溽遷坐接長廊  
月麗姮娥影星含織婦光  
棲

禽動夜竹流螢出閣墻  
香盤糝鮮

一作鱗

粉雕臺

一作壺

承

蔗漿白羽徒搖幄綠水自周堂弱紈猶覺重織絺尚一作

向少涼弄風思漢朔戲雨憶吳王玄水術難驗赤道漏  
猶長誰能更吹律還令黍谷涼

同前

王筠

日域散朱零天隅斂青靄飛光煥南陸炎津湧北瀨繁  
星聚若珠密雲屯似盖月至每開衿風過時解帶

同前

和樂  
儀同

庾信

火井沉熒散炎洲高燄通鞭石未成雨鳴鳶不起風思

為鸞翼扇願借明光宮臨淄迎子禮中散就安豐美酒

合

一作含

蘭氣甘瓜開蜜筒寂家人事屏還得隱墻東

同前

杜甫

七月六日苦炎蒸對食暫飡還不能每愁夜中自足蠋

况乃秋後轉

一作復

多蠅東帶發狂欲大叫簿書何急來

相仍南望青松架短

一作絕

壑安能赤脚踏層冰

奉和李大夫同呂評事太行苦熱行兼寄院中

諸公仍呈王員外

劉長卿

迢迢太行路自古稱險惡千騎儼欲前羣峰望如削火  
雲從中起仰視飛鳥落汗馬卧高原危旌倚長薄清風  
何不至赤日方煎鑠石露一作枯山木焦鱗窮水泉涸九

重今旰食萬里傳明略諸將候軒車元克愁鼎鑊何勞  
短兵接自有長纓縛通越事豈難渡瀘功未博朝辭羊  
腸坂夕望貝丘郭漳水斜繞營恒山遙入幕永懷姑蘇  
下因寄建安作白雪和難成滄波意空託陳琳書記好

王粲從軍樂早晚歸漢廷隨公

一作君

上麟閣

五言酬薛貞外誼苦熱行見寄

僧皎然

六月金數伏茲辰日在庚炎曦爍

一作曝

肌膚毒靄昏性

情

一作毒霧昏檐楹

安得奮輕翅

一作翮

迢遙出雲征不知天地

心如何匠生成火德燒百卉瑤草不及榮有客當此時

忽貽懷中瓊捧玩煩衿滌嘯歌善

一作美

風生遲君佐元

氣調使四序平中令霜不祛火餘氣常貞江南詩騷客

休吟苦熱行



苦熱行

王 穀

祝融南來鞭火龍，火旗焰焰燒天紅。  
日輪當午凝不去，萬國如在洪爐中。  
五嶽翠乾雲彩滅，陽侯海底愁波竭。  
何當一夕金風發，為我掃却天下熱。

同前

僧 鸞

燭龍銜火飛天地，平陸無風海波沸。  
彤雲疊掛竒峰長，焰焰流光爇凝翠。  
烟島搏鵬譚雙翅，羲和赫怒強總轡。  
飲流夸父覽長途，始見當中印王字。  
明明夜西朝又東。

古來有道仍在中扶桑老葉蔽不得輝華直上凌蒼穹

萬人揮汗翻成雨口燥喉乾隘塵土西郊雲色晝冥冥

如何不放

一作救

生靈苦何山恠木藏蛟龍縮鱗卷鬣為

乖慵不發滂澤注天下欲使風雲何所從早苗原上枯

成焰獄靈徒祝無神驗豪家簾外喚清風水紋明角鋪

長簾玉扇畫堂凝夜秋歌艷遠梁催莫愁陽烏落盡酒

不醒扶上西園當月樓靡由嗔死非吾屬庫有黃金倉

有粟

苦寒

喬知之

胡天夜清迥孤雲獨飄颻  
遙裔出鴈關遠迤含晶光  
陰陵久徘徊幽都無夕陽  
初寒凍巨海殺氣流大荒  
朔風吹水寒行子覆履疑作履  
胡霜路有從役倦卧死黃沙  
場羈旅因相依慟之淚沾裳  
由來從軍行賞存不賞亡  
亡謝誠已矣徒令存者傷

同前二首

杜甫

漢時長安雪一丈牛馬毛寒縮如蝟  
楚江巫峽水入懷

虎豹哀號又堪記秦城老翁荆揚客慣習炎蒸歲絺綌  
玄冥祝融氣或交手持白羽未敢釋

二

去年白帝雪在山今年白帝雪在地凍埋蛟龍南浦縮

寒割肌膚北風利楚人四時皆麻衣楚天萬頃一作無

晶輝三足之鳥骨一作足恐斷羲和送之將安歸一作送將安所

歸又作送  
送將安歸

同前二首

杜甫

南紀巫廬瘴不絕太古以來無尺雪蠻夷長老怨苦寒

崑崙天闕凍欲

應一作

折玄猿口噤不能嘯白鵠翅垂眼

出

一作流

血安得春泥補地裂

二

曉

一作晚

來江邊失大木猛風中夜飛

一作吹

白屋天兵新

一作斷

斬青海戎殺氣南行動坤軸不爾苦寒何其

一作大

酷巴東之峽生凌澌彼蒼迴斡人得知

同前

劉駕

百泉凍皆咽我吟寒更切半夜倚喬松不覺滿衣雪竹  
竿有甘苦我愛抱苦節鳥聲有悲歡我愛口流血潘生  
若解吟更早生白髮

猛虎行

一作吟

儲光義

寒亦不憂雪饑亦不食人人肉

一作血

豈不甘所惡傷明

神太室為我宅孟門為我隣百獸為我膳五龍為我賓

蒙馬一何威浮江一以仁綵章曜朝日爪牙

一作牙爪雄武

臣高雲逐氣浮厚地隨聲震君能賈餘勇日夕長相親

同前

李白

行作

一作朝作  
又作行亦

猛虎吟

一作行

坐作

一作暮作  
又作坐亦

猛虎吟腸

斷非關隴頭水淚下不為雍門琴旗旌續紛兩河道戰

鼓驚山欲顛倒秦人半作燕地囚胡馬鬣銜洛陽草一

輸一失關下兵朝降夕叛幽薊城巨鰲未斬海水動龍

魚奔走安得寧頗似楚漢時翻覆無定止朝過博浪沙

暮宿

一作入

淮陰市張良未遇韓信貧劉項存亡在兩臣

斲到下邳受兵略來投漂母作主人賢達

一作哲

悽悽古

如此今將棄擲

一作今時亦棄

青雲士有策不敢干

一作犯

龍鱗

竄身南國避胡塵寶書長劔束

一作挂

高閣金鞍駿馬散

故人昨日方為宣城客掣鈴交通二千石有時六博快

壯心遶牀三匝呼一擲楚人每道張旭竒心藏風雲世

莫知三吳邦伯多顧盼四海豪

一作雄

俠皆相推蕭曹亦

一作魯

作沛中吏攀龍附鳳皆

一作當

有時溧陽酒樓三月

春楊花茫茫愁殺人胡鷄綠眼吹玉笛吳歌白紵飛梁

塵丈夫相見且為樂椎牛撾鼓會衆賓我從此去釣滄



海得魚笑寄情相親

同前

張籍

南山北山樹冥冥猛虎白日遠村

一作林

行向曉

一作一晚

身當道食此

一作山

中麋鹿盡無聲年年養子在深谷雌

雄上下不相逐谷中近窟有山村

一作林

長向林中

一作村家

取黃犢五陵年少不敢射空來林下看行跡

同前

李賀

長戈莫揜强弩莫抨乳孫哺子教得生獐舉頭為城掉

尾為旌東海黃公愁見夜行道逢騶虞牛哀牛哀化不

平何用尺刀壁上雷鳴泰山之下婦人哭聲官家有程

吏不敢聽

文苑英華卷二百十

欽定四庫全書

文苑英華卷二百十一

宋 李昉等 編

樂府二十

登名山篇一首

秦王卷衣二首

上留田二首

古挽歌七首

怨歌行五首

悲哉行五首

懷哉行一首

獨不見五首

定情篇一首

雜曲五首

憶昔行一首

偈仄行一首

胡笳曲六首

雲中行一首

長干行一首

小長干行一首

江風行一首

登名山篇

李巨仁

名山稱地鎮

一作本鎮地

千仞

一作迢遞

上凌霄雲開金闕迥

一作

雲披金澗近

霧起石梁遙翠微橫鳥路珠澗入

一作樹拂

星橋風

急青溪晚霞散赤城朝寓目幽棲地

一作容

駕言

一作尋

追

綺季避世

一作跡絕

桃源士忘情漆園吏抽簪傲九辟脫屣

輕千駟沉冥負俗心蕭灑

一作疎索

凌雲意蒼蒼聳極天伏

眺盡山川疊峰如積浪分涯若斷

一作斜

煙淺深聞渡雨

輕重聽飛泉採藥逢三島尋真值

一作遇

九仙藏書凡幾

代看博已經年逝將追羽客千載一來旋

秦王卷衣

吳均

咸陽春草芳秦帝捲衣裳玉檢茱萸匣

一作帶

金泥蘇合

香初芳熏

一作動

複帳餘輝曜寶

一作玉

牀當須晏

一作晏又作早

朝罷

一作須臾  
朝晏罷

持此贈華

一作龍

陽

同前

陳標

秦家漢闕霽春煙  
珠樹瓊枝近碧天  
御氣馨香蘇合啟  
簾光浮動水精懸  
霏微羅縠隨芳袖  
宛轉鮫綃逐寶筵  
從此咸陽一回首  
暮雲愁色已千年

上留田

梁簡文帝

正月土膏初欲發  
天馬照曜動農祥  
田家斗酒群相勞  
為歌長安金鳳凰

同前

李白

行至上留田孤墳何崢嶸積此萬古恨春草不復生悲  
風四邊來腸斷白楊聲借問誰家地埋沒蒿里塋古老  
向余言言是上留田蓬科馬鬣今已平昔之弟死兄不  
葬他人於此舉銘旌一鳥死百鳥鳴一獸走百獸驚桓

山

出家語

之禽別離苦欲去回翔不能征田氏倉卒骨肉

分青天白日摧紫荆交讓之木本同形東枝顛顛西枝  
榮無心之物尚如此參商胡乃尋天兵孤竹延陵讓國

揚名高風緬邈頽波激清尺布之謠塞耳不能聽

古挽歌

祖孝徵

昔日一作時驅馬馬謁帝長楊宮旌懸白雲外騎獵紅塵

中今來向漳浦素蓋轉悲風榮華與歌笑萬事盡成空

同前

王

烈

郭茂倩樂府作趙微明

寒日高不一作蒿上明淒淒郭東路素車誰家子丹旒引將

去原下荆棘叢叢邊有新墓人生病長一作間痛傷別此是

長別處日暮一作曠野何蕭蕭風悲一作青松白楊樹



同前

孟雲卿

草草閭

一作門

巷喧塗車儼成位冥寂

一作冥冥

何所須盡我

生人意北邙路非遠此別終天地臨穴頻撫棺至哀反

無淚爾形未衰老爾色猶

一作息繞

童穉骨肉安

一作不

可離

皇天若容易房帷即靈帳

一作虛張

庭宇為哀次薤露歌若

斯人生盡如寄

同前

白居易

丹旒何飛揚素駮亦悲鳴晨光照閭巷轎車儼欲行蕭

條九月天晚出洛陽城

一作良挽  
出重城

借問送者誰妻子與

弟兄蒼蒼古原上

一作上  
古原

我我開新塋含酸一悲

一作  
慟

哭異日同哀聲舊壠轉蕪絕新塋日羅列春風秋草北

邙山此地年年生死別

同前三首

于鵠

雙轍出郭門綿綿東西道送死多於生幾人得終老見

此切肝腸

一作  
肺肝

唯有

一作  
不如

歸山好不聞哀哭聲默默安

懷抱時盡從奄終

一作  
物化

又免生憂擣

一作  
擾

世間壽者稀

盡為悲傷早

一作  
惱

二

送哭誰家車靈車紫帶長青童抱何物明月與香囊可  
惜羅衣色看昇入水泉莫愁埏道暗燒漆得千年

三

陰風吹黃蒿挽歌渡秋水車馬却歸城孤墳明月  
裏

一作  
月明

怨歌行

梁簡文帝

十五頗有餘日照杏梁初蛾眉本多嫉掩鼻特成虛持  
此傾城貌翻為不肖軀秋風吹海水寒霜依玉除月光  
臨戶映荷花依浪舒望簷悲隻翼窺沼泣王餘魚名苔生  
履處沒草合行人踈裂紈傷不盡歸骨恨難祛早知長  
信別不避後園輿

同前

張正見

新豐妖冶地遊俠競驕奢池臺間羅綺桃李雜煙霞蓋  
影分連騎衣香合並車艷粉驚飛蝶紅粧映落花舞衫

飄冶袖歌扇掩團

一作圓

紗玉帳

一作牀

珠簾捲金樓鏡月

斜還疑蕭史鳳不及季倫家

同前

虞世南

紫殿秋風冷雕甍落

一作白

日沉裁紈悽斷曲織素引

一作

別離心掖庭若

一作羞

改畫長門不惜金籠移恩稍薄情

疎恨轉深香銷翠羽帳弦斷鳳凰琴鏡前紅粉歇階上

綠苔侵誰言掩歌扇翻作白頭吟

同前

吳少微

城南有怨婦含愁傍芳

一作倚蘭

叢自謂二八時歌舞入漢

宮皇恩數流盼承幸玉堂中綠栢黃花催夜酒錦衣羅

袖逐春風建章西宮煥若神燕趙美女三千人君王厭

德不忘新况群艷冶紛來陳是時別君不再見三十三

春長信殿長信重門畫掩闌清房曉帳幽且閑綺窓蟲

網氛塵色文軒鶯樹

一作對

桃李顏天王貴宮不貯老浩

然掩淚

一作淚

今來還自憐春色轉晚暮試逐佳遊芳草

路小腰麗女奪人竒金鞍少年曾不顧歸來誰為夫請

謝西家婦莫辭先醉解羅襦

同前

曹鄴

丈夫好弓劔行坐說金吾喜聞有行役結束不待車官  
田贈倡婦留妾侍舅姑舅姑皆已死庭花半是蕪中妹  
尋適人生女亦嫁夫何曾寄消息他處却有書嚴風厲  
中野女子心易孤貧賤又相負封侯意何如

悲哉行

孟雲卿

孤兒去慈親遠客喪主人莫吟苦辛曲此曲誰忍聞可

聞不可說去去無期別行人念前程不待參辰沒朝亦  
恒苦饑暮亦恒苦饑飄飄萬餘里貧賤多是非少年莫  
遠遊遠遊多不歸

同前

王昌齡

每聽白頭吟人間易憂怨若非滄浪子安得從所願北  
上太行山臨風聞吹萬長雲數千里倏忽還膚寸觀其  
微滅時精意莫能論百年不容易是處生草蔓始悟海  
上人辭君永飛道



同前

陳陶

中嶽仇先生遺余餌松方服之一千日肢體生異香步  
履如風旋天涯一齋糧仍云為地仙不得朝虛皇狡兔  
有三穴人生又何常悲哉二廉士餓死於首陽

懷哉行

薛據

明時無廢人廣廈無棄材良工不我顧有因寧自媒懷  
策望君門歲晏空遲迴秦城多車馬日夕飛塵埃伐鼓  
千門啟鳴珂雙闕來我聞雲雨施天下罔不該何意斯

人徒棄之如死灰，主好臣必效。時禁權必開，俗流實驕。  
矜得志，輕草萊。文王賴多士，漢帝資羣才。一言拜將相，  
片善咸居台。丈夫何不遇，為泣黃金臺。

獨不見

劉孝威

夫婿結纓簪，偏蒙漢寵深。中人引臥內，副車遊上林。  
綬染瑯琊草，蟬鑄武威金。分家移甲第，留妾住河陰。  
獨寢鴛鴦被，自理鳳凰琴。誰憐雙玉筯，流面復流襟。

同前

柳惲

別島望風

一作雲

臺天顏

一作泉

臨水殿芳草生未積春花

落如霰出從張公子還過趙飛鷺奉帚長信宮誰知獨

不見

同前

王訓

日晚宜春暮風軟上林朝對酒近初節開樓當夜嬌石  
橋通小澗竹路上青霄持底誰見許長愁成細腰

同前

戴叔倫

前宮路非遠舊苑春將遍玉戶看早梅雕梁數飛

一作歸

驚身輕逐舞袖香暖傳歌扇自和秋風詞長侍昭陽殿  
誰信後庭人年年獨不見

同前

武元衡

荆門一柱觀楚國三休殿環珮儼一作仰神仙輝光生顧

盼春風細腰舞明月高堂宴夢澤水連雲渚宮花似霰

俄驚白日晚始悟炎涼變別是異波潮一作濤離鴻分海

縣南北斷相聞嘆嗟獨不見

定情篇

喬知之

共君結新婚歲寒心未卜相與遊春園各隨性一作情所

逐君愛菖蒲花妾感苦寒竹天一作草花多艷姿寒竹有

貞葉此時妾比君君心不如妾簪玉步河堤天一作妖韶

援綠羨鳧雁將子遊鶯鶯從雙棲君向一作念春光好妾

對一作向春光啼君時不得意棄妾還金閨結言本同心

悲歡何未齊怨咽前致辭願得申所悲人間丈夫易世

路婦難為始如經天月一作始經天月照終若流星馳天月恒

終始流星無定期長思一作信佳麗人失意非蛾眉廬江

小吏

一作史

婦非關織作遲本願長相對今以

一作已

長相

思復有官遊子結綬從梁陳燕居崇三朝去來歷九春

誓心妾終始蠶桑奉所親歸願未克從黃金贈路人潔

婦懷明義從沈河之津于今千萬年誰當問水濱更憶

倡家樓夫壻事封侯去時思照灼去罷心悠悠不矜

一作

憐

妾歲晏千載隴西頭以茲常惕惕百慮恒盈積由來

共結褵幾人同匪石故歲雕梁鸞雙去歸

一作今

來隻今

日玉庭梅朝紅暮成碧碧榮始芬敷黃葉已浙瀝何用

念芳春芳春有流易何用重歡娛歡娛俄戚戚家本巫

山陽歸去路何長叙言情未盡采葉已盈筐桑榆日反

景物色盈高岡下有碧流水上有丹桂芳一作香桂花一作

枝不須折碧水自清一作碧流清且潔贈君比芳菲愛一作受惠

常不歇一作減贈君比一作淚潺湲相思無斷絕妾有秦家

鏡寶匣裝珠璣鑑來年二八不記易陰暉妾無光寂寂

妾至鄙一作委照影依依今日特為贈相識莫相違

雜曲二首

王筠

烏還夜已逼蟲飛曉尚賒桂月徒留影蘭燈一作臺空結

花

二

可憐洛城東芳樹搖春風丹霞映白日細雨帶輕虹

同前

傅綽

新人新寵住蘭堂翠帳金屏璫瑁牀叢星不如珠簾色  
度月還同粉壁光從來著名推趙子復有丹唇發皓齒  
一嬌一態本難逢如畫如花定相似樓臺宛轉曲皆通



絃管逶迤徹下風此殿笑語恒長共  
旁省歡娛不復同  
訝許人情太厚薄分恩賦念能斟酌  
多作綉被為雙鴛  
一作鴛鴦長弄綺琴贈別鶴  
人今投寵要須堅會使歲寒恒  
度前共取星辰作心抱無轉無移千萬年

同前

徐陵

傾城得意已無儔洞房連閣未消

一作閣未消

愁宮中本造

鴛鴦殿為誰新起

一作為起新粧

鳳凰樓綠黛紅顏兩相發千

嬌百態情無歇舞衫回袖勝春風  
歌扇當窓似秋月碧

玉宮妓自翩妍絳樹新聲最可憐  
張星舊在天河上從來張姓本連天  
二八年時不憂度旁邊得寵誰相妬  
立春歷日自當新正月春幡底舊故  
流蘇錦帳桂香囊織成羅幔隱燈光  
祇應私將琥珀枕暝暝來上珊瑚牀

同前

江總

行行春逕靡蕪綠織素那復解琴心  
乍愜南階悲綠草誰堪東陌怨黃金  
紅顏素月俱三五夫婿何在  
今追虜關山隴月春雪深

一作冰

誰見人啼花照戶

憶昔行

杜 甫

憶昔北尋小有洞，洪河怒濤過輕舸。辛勤不見華蓋君，  
良岑青輝慘么麼。千崖無人萬壑靜，三步回頭五步坐。  
秋山眼冷魂未歸，仙賞心違淚交墮。弟子誰依白茅室，  
盧老獨啟青銅鎖。巾拂香餘搗藥塵，階除灰死燒丹火。  
懸圃滄洲莽空濶，金節羽衣飄婀娜。落日初霞閃餘映，  
倏忽東西無不可。松風礪水聲合時，青兕黃熊啼向我。  
徒然咨嗟撫遺迹，至今夢想仍猶左。秘訣隱文須內教，

晚歲何功使願果更討衡陽董鍊師南浮早鼓瀟湘柂

偈仄行

贈畢四耀

偈仄何偈仄我居巷南子巷北可恨鄰里間十日不一  
見顏色自從官馬送還官行路難行澁如棘我貧無乘  
非無足昔者相過今不得實不是愛微軀又非關足無  
力徒步翻愁官長怒此心炯炯君應識曉來急雨春風  
顛睡美不聞鐘鼓傳東家蹇驢許借我泥滑不敢騎朝  
天已令請急會通籍男兒信一作性命絕可憐焉能終日

心拳拳憶君誦詩神凜然辛夷始花亦已落况我與子  
非壯年街頭酒價常苦貴方外酒徒稀醉眠速宜相就  
飲一斗恰有三百青銅錢

此詩二百五十卷重出今已削去

胡笳曲二首

江洪

藏器欲邀

一作逢

時年來不相讓紅顏征戍兒白首邊城

將

二

落日慘無光臨河獨飲馬颼颼夕風高聯翩飛雁下

同前

陶宏景

負辰飛天歷與奪徒紛紜百年四五代終是甲辰君

同前

鄭愔

漢將留邊朔遥遥歲序深誰堪牧馬思正是胡笳吟曲  
斷關山月聲悲雨雪陰傳書問蘇武陵也獨何心

同前

王昌齡

城南虜已合一夜幾重圍自有金笳引能霑出塞衣聽

臨關月苦清入海風微三奏高樓曉胡人掩淚歸

同前

王貞白

隴底悲笳引隴頭鳴北風一輪霜月落萬里塞天空戍  
卒淚應盡胡兒笑未終爭教班定遠不念玉關中

雲中行

薛童

雲中小兒吹金管向晚因風一川滿塞北雲高心已悲  
城南木落腸堪斷憶昔魏家都此方涼風觀前朝百王  
千門曉映山川色雙闕遙連日月光舉杯稱壽永相保

日夕歌鐘徹清昊將軍汗馬百戰場天子射獸五原草  
寂寞金輿去不歸陵上黃沙塵路飛河邊不語傷流水  
川上含情歎落暉此時獨立無所見日暮寒風吹客衣

長干行

李白

妾髮初覆額折花門前劇郎騎竹馬來遶牀弄青梅同  
居長千里兩小無嫌猜十四為君婦羞顏未嘗開低頭  
向暗壁千喚不一回十五始展眉願同塵與灰常存抱  
柱信豈一作耻上望夫臺十六君遠行瞿塘滌瀨堆五月



不可觸猿聲天上哀門前遲一作舊行跡一一生綠苔

深不能掃葉落秋風早八月蝴蝶來一作黃雙飛西園草

感此傷妾心坐愁紅顏老早晚下三巴預將書報家相  
迎不道遠直至長風沙

小長干行

前人類詩作  
張潮

憶昔深閨裏煙塵不覺識嫁與長干人沙頭候風色五

月南風興思君下江一作巴陵八月秋一作西風起看一作想

君發揚子去時一作多悲如何見少別離多湘潭幾人一作

日又一作到妾夢常一作越

風波昨夜狂風度吹折江頭樹

森暗無邊行人在何處好乘浮雲驄佳期蘭渚東鴛鴦  
綠蒲上翡翠錦屏中自憐十五餘顏色桃花紅那作商  
人婦愁水復愁風

江風行

一作長江行

張潮

壻貧如珠玉壻富如埃塵貧時不忘舊富貴多寵新妾  
本富家女與君為偶匹惠好一何深中門不曾出妾有  
綉衣裳歲蕤金縷光念君貧與賤易此從遠方三千路

役思發竟

一作去

悔不已日暮情更來空望去時水孟夏

麥始秀江上多南風商賈歸欲盡君今尚巴東巴東有

巫山窈窕神女顏常恐遊此方

一作山

果然不知還

文苑英華卷二百十一

欽定四庫全書

文苑英華卷二百十二

宋 李昉等 編

音樂一

樂八首

琴二十九首

箏十首

笙四首

琵琶三首

篳篥一首

簫一首

笛十四首

雜樂六首

樂

觀樂應詔

王 暕

趙瑟含清音秦箏凝逸響參差陳九夏依遲紛四上從  
風繞金梁含雲映珠網遞奏豈二八繁絃非一兩幸叨  
東郭吹厠陪南風賞忘味信鏗鏘飡和終俯仰輕塵已  
飛散遊魚亦翻蕩恩光實難遇詠言寧易放

奉勅於太常寺脩正古樂

何

晏

見初學記

大樂遺鐘鼓至樂貴忘情俗久淳和變年深禮教生嶮

谷調孤管崙山學鳳鳴浮雲成武曲白雪作歌名聞詩  
六義辨觀漏八風平肅穆皇威暢淪連河水清鈞天動  
絲竹聒地響錚鉦盡美無韶濩威德總咸英寒亮鳧鍾  
徹飄揚翟羽輕小臣屬千載時幸預簪纓行欣負蒼璧  
衢壇聽九成

樂部曹觀樂

前人

東海餘風大陶唐遺思深何如觀徧舞奏鼓間撥金清  
管調絲竹朱絃韻雅琴八行陳樹羽六德審知音至道

兼韶濩充庭總韎任高天度流火落日廣城陰百神諧  
景福萬國仰君臨大樂非鐘鼓且用戒民心

奉和月夜聽軍樂應詔

薛道衡

旌門臨古堞徼道渡深隍月冷凝秋夜山寒落夏霜遙  
空澄暮色清景散餘光笳清喧隴水鼓曲噪漁陽沉鬱  
興神思眺聽發天章嵩岱終難學丘陵徒自強

觀太常奏新樂

孔德紹

大君膺寶歷出豫表功成鈞天金石響洞庭絃管清八



音動鯨會九變叶希聲雲和留睿賞薰風悅聖情盛烈  
光韶濩易俗邁咸英竊吹良無取率舞抃輕生

同前

卞

斌

一作孫萬壽

昔人夢上

一作之

帝尚

一作常

喜預鈞天况茲

一作荷

開景業

作樂武功宣大雅

一作子

廢還理乘風毀更懸中和誠易

擬韶夏詎相沿捷為

一作泗濱

磬響徹嶰谷管聲傳小臣濫

清耳長奏南風絃

此詩二百四十卷重出今已削去注異同為一作

於太常寺聽陳國蔡于元所教

一作校

正聲樂

許善心

維揚盛禮樂治定昔君臨充庭觀樹羽上

一作之

帝仰擬

金既因鍾石變將隨河海沉湛露廢還序承

一作乘

風絕

復尋袞章無舊迹韶夏有餘音澤竭英莖散人遺憂思  
深悲來未減瑟淚下正聞琴詎似文侯睡聊同微子吟  
鐘奏殊南北商聲異古今獨有延陵聽應知亡國音

三層閣上置音聲

唐太宗

見初學記

綺筵移暮景紫閣引宵烟  
隔棟歌塵合分階舞影連  
聲流三處管響亂一作北  
一重絃不似秦樓上吹簫空學仙

琴

秋夜詠琴

劉孝綽見集本

上宮秋露結上客夜琴鳴  
幽蘭斲罷曲積雪更傳聲

劉漑

同前

初學記作詠琴

寄語調絃者客子心易驚  
離泣已將墜無勞別鶴聲

日晚彈琴

馬元熙見初學記

上客殿前扉鳴琴對晚暉掩抑歌張女淒清奏楚妃稍  
視紅塵落漸覺白雲飛新聲獨見賞莫恨知音稀

賦得為我彈清琴

沈炯

為我彈清琴琴鳴傷我襟半死無人覺入竈始知音空  
為貞女引誰達楚妃吟

類聚  
作心

雍門何假說落淚自淫淫

聽琴

蕭愨

洞門涼氣滿閒館夕陰生絃隨流水急調雜秋風清掩  
抑朝飛弄淒斷夜啼聲至人齊物我持此

一作  
時與

悅高情

賦得詠琴

江總

可憐嶧陽木雕為綠綺琴  
田文垂睫淚卓女弄絃心  
戲鶴聞應舞遊魚聽不沉  
楚妃幸勿嘆此異丘中吟

賦得坐彈鳴琴

楊希道

北林鵲夜飛南軒日斜進  
調絃發清徵蕩心祛褊悵  
變作離鴻聲還入思歸一作相思  
引長嘆未終極秋風飄素鬢

咏琴

楊希道

見初學記

久擅龍門質孤竦嶧陽名  
齊娥初奏弄趙女正調聲  
嘉

客勿遽反繁絃曲未成

同前

劉允濟

昔在龍門側誰想鳳鳴時  
雕琢今為器官商不自持已  
人緩疎節楚客弄繁絲  
欲作高張引翻成下調悲

夏彈琴

劉希夷

文粹作  
劉戩

碧天本岑寂素絲何清幽  
彈為風入松崖谷颯已

一作  
以

秋庭鶴舞白雪淵魚躍  
洪流余欲娛世人明月難  
暗投

感歎未終曲淚下不可收  
嗚呼鍾子期零落歸山

一作  
荒

丘死而若有知魂兮從我遊

琴

前人

隱

一作名

士竹林隈英聲

一作鳴琴

寶匣開風前綠綺弄月下

白雲來

一作風前中散至月下步兵來

淮海多為寶

一作淮海曾為寶武丘山有琴室近

淮海

梁岷舊作臺子期如可聽山水響餘哀

寶琴

唐釋彪

吾有一寶琴價重雙南金刻作龍鳳像彈為山水音星  
從徽裏發風來弦上吟鍾期不可遇誰辨曲中心

江上琴興

此詩已見一百六十二卷

常建

張山人彈琴

前人

居士芳草綠西峰留玉琴豈惟丘中賞兼得清煩襟朝  
從山口還出嶺聞幽音了然雲霞意照見天地心元鶴  
下澄空翩翩舞松林改絃和一作扣商聲又聽飛龍吟稍  
覺此身妄漸知仙事深其將鍊金鼎永矣投吾簪

琴

王昌齡

孤桐秘虛鳴朴素傳幽真髣髴絃指外遂見初古人意



遠風雪苦時來江上

一作山

春高宴未終曲誰能辨經綸

聽琴彈風入松贈楊補闕

前人

商風入我琴夜竹深有露絃悲與林寂清景不可度寥  
落幽居心颼颼青松樹松風吹草白谿水寒日暮聲意  
去復還九辨待一顧空山多雨雪獨立君始悟

秋夕聽羅山人彈三峽流泉 岑 參

皤皤岷山老抱琴鬢蒼然衫袖拂玉徽為彈三峽泉此  
曲彈未半高堂如空山石林何颼颼忽在窓戶間纖指

弄鳴咽清絲激潺湲演漾怨楚雲虛徐韻秋煙疑蕪陽  
臺雨似雜巫山猿幽引鬼神聽靜令耳目便楚客腸欲  
斷湘妃淚斑斑誰裁清桐枝亘以朱絲絃能含古人曲  
遞與今人傳知音難再逢惜君方老年曲終月已落惆  
悵東齋眠

同張參軍喜李尚書寄新琴 司空曙

新琴傳鳳凰晴景稱高張白玉連徽淨朱絃

集作絲

擊爪

長輕埃隨拂拭雜

集作新

籟滿鏗鏘暗想山泉合如親蘭

蕙芳正聲銷鄭衛古狀掩笙簧遠識賢人意清風願激揚

冬夜陪丘侍御先輩聽崔校書彈琴

楊巨源

雪滿中庭月映林謝家幽賞在瑤琴楚妃波浪天南遠  
蔡女煙沙漠北深顧盼何曾因誤曲殷勤終是感知音  
若將雅調開詩興未抵丘遲一片心

宿藏公院聽齊孝若彈琴

前人

禪思何妨在玉琴  
真僧不見聽時音  
離聲怨調秋堂夕  
雲向蒼梧湘水深

夜集汝州郡齋聽陸僧辨彈琴 孟郊

康樂寵詞客  
清宵意無窮  
徵文北山

集作窓

外惜月南樓

中千里寂然靜

集作愁  
併盡

一樽歡暫同  
胡為憂  
瑟瑟浙瀝

起寒風

聽琴

前人

颯颯微雨收  
翻翻椽

集作桐

葉鳴月沉亂  
岑西寒落三四

星前溪忽調琴隔林寒琤琤聞彈正弄聲不敢枕上聽

迴燭整頭簪漱泉立中庭定步履齒深久彈月

集作貌  
禪目

冥冥微風吹衣襟亦

集作  
猶

認宮徵聲學道三十年未免

憂死生聞彈一夜中會盡天地情

好彈

集作  
聽

琴

白居易

本性愛

集作  
好

絲桐塵機聞即空一聲來耳裏萬事離心

中清暢堪銷疾恬和好養蒙尤宜聽三樂安慰白頭翁

夜調琴憶崔少卿

今夜調琴忽有情欲彈惆悵憶崔卿何人解愛中徽上  
秋思頭邊八九聲

聽琴

集作清  
夜琴興

前人

月出烏樓盡寂然坐空林是時心景閒可以彈素琴清  
冷由木性恬淡隨人心心積和平氣木應正始音響餘  
羣動息曲罷秋夜深正聲感元化天地清沉沉

廢琴

前人

絲桐合為琴中有太古聲古聲淡無味不稱今人情玉

徽光彩滅朱絃塵土生廢棄來已久遺音尚泠泠不辭  
為君彈縱彈人不聽何物使之然羌笛與秦箏

聽段處士彈琴

方干

幾年調弄七條絲元化工夫

集作  
分功

十指知泉迸清

集作  
幽

音雜石底松含細韻在霜枝窻中

集作  
東

顧兔初圓夜竹

上寒蟬盡散時唯有此時

集作  
中

心更淨

集作  
靜

聲聲堪

集作

可作後人師

聽琴

張喬

清明轉琴

一作靜

軫弄中湖

一作湘

水寒能令坐來客不語

自相看靜

一作淨

恐鬼神出急疑風雨殘幾時歸嶺嶠更

過洞庭彈

同前

一作蜀琴

羅隱

寒雨蕭蕭落井梧夜深何處怨啼鳥不知一盞臨卽酒  
救得相如渴疾無

箏

和彈箏人二首

梁孝元帝



橫箏在故帷，忽憶上絃時。  
舊柱離移處，銀帶手輕一作經  
持。悔道啼將別，教成今日悲。

二

瓊柱動金絲，秦聲發趙曲。  
流徵含陽春，美手過如玉。

詠彈箏人

梁昭明太子

故箏猶可惜，應度新人邊。  
塵多澀移柱，風燥脆調絃。  
還作三州曲，誰念九重泉。

詠箏

沈約

秦箏吐絕調玉柱揚清曲絃依高張斷聲隨妙指續徒  
聞音繞梁寧知顏如玉

同前

王臺卿

依歌時轉韻按曲動花鈿促調移輕柱亂手度繁絃唯  
有高秋月秦聲獨可憐

玄圃宴各詠一物得箏

陸瓊

三五併時年二八共來前今逢泗濱樹定減琴中絃鶴

別霜初緊鳥一作鳥啼月正懸

聽箏

張九齡

端居正無緒那復發秦箏  
纖指傳新意繁絃起怨情  
悠悠揚思欲絕掩抑態還生  
豈是聲能感人心自不平

箏柱子

朱灣

散木今何幸

集作  
在

良工不棄捐力微輒一柱  
材薄仰

集作

命羣絃且喜聲相應寧辭跡屢遷  
知音如見賞雅調為君傳

箏

白居易

雲髻飄蕭綠花顏旖旎紅雙眸剪秋水十指剝春葱楚  
艷為門閥秦聲是女功甲鳴銀玦柱觸玉玲瓏猿苦  
啼嫌月鶯嬌語泥風移愁來手底送恨入絃中趙瑟情

集作清

相似胡琴調

集作關

不同慢彈迴斷鴈急奏轉飛蓬

霜珮鏘還委冰泉咽復通珠聯千拍碎刀截一聲終倚  
麗精神定矜能意態融歇時情不斷休去思無窮燈下  
清歌集作青春夜樽前白首翁且聽應得在老耳未多聾

贈彈箏人

溫庭筠

天寶年中事玉皇，曾將新曲教寧王。  
鈿蟬金鳳集作細蟬金鳳  
皆零落，一曲伊州淚萬行。

笙

笙

陸罕

管清羅袖拂響合絳脣，吹合情應節轉逸。  
態逐聲移所美周王子弄羽一參差

同前

沈約

彼美實孤枝，孤篠定參差。  
鷓鴣雞已嘲，嘶棗下復林離。  
本

期王子晉

初學記  
作宴

寧待洛濱吹

同前

楊希道

短長插鳳翼  
洪細摹鸞音  
能令楚妃歎  
復使荆王吟  
切切孤竹管  
來應雲和琴

嵩嶽聞笙

劉希夷

月出嵩山東  
月明山益空  
山人愛清景  
散髮臥秋風  
風止夜河清  
獨夜草蟲鳴  
仙人不可見  
乘月近吹笙  
絳脣吸靈氣  
玉指調真聲  
真聲是何曲  
三山鸞鶴情  
昔余落

塵俗願言聞此曲今我集作臥嵩岑何幸承幽音神仙  
樂吾事笙歌銘夙心

琵琶

琵琶

唐太宗

半月無雙影金花有四時摧藏千里態掩抑幾重悲促  
節縈紅袖清音滿翠帷駛彈風響急緩曲釧聲遲空餘  
關隴恨因此代相思

聽鄰人琵琶

陳叔達

本自龍門桐因妍入漢宮香由

一作綠

羅袖裏聲逐朱絃

中雖

初學記作離

有相思韻翻將入塞同關山臨却月花藥

散迴風為將金谷引添令曲未終

鄂渚聽杜別駕彈胡琴

劉長卿

文姬留此曲千載一知音不解胡兒語空愁楚客心聲  
隨邊草動意入隴雲深何事長江上蕭蕭出塞吟

箜篌

箜篌

梁簡文帝



揆遲初挑吹弄急持推

類聚作  
時推

舞釧響逐絃鳴衫迴半

鄣柱欲知心不平君看黛眉聚

簫

簫

劉孝綽

一作  
儀

危聲合歌鼓

類聚作  
鼓吹

絕弄混笙篳管饒和氣促釵動覺

脣移仙史安為貴能令秦女隨

笛

賦長笛吐氣清

周宏讓

商聲傳後出龍吟鬱前吐情斷山陽舍氣咽

吐一作

平陽

鳴胡騎爭北歸偏知引

別一作

鄉苦羈旅情易傷零淚如

交雨

同前

賀徹

胡關氛霧侵羌笛吐清音韻切山陽曲聲悲隴上吟柳  
折城邊樹梅舒嶺外林方知出塞虜不憚武溪深

詠笛

姚察

作曲是佳人制名由巧匠鷗絃時莫並鳳管還相向隨

歌響更發逐舞聲  
彌亮宛轉度雲窓  
逶迤出黼帳  
長隨畫堂裏  
承恩無所讓

同前

劉孝孫

涼秋夜笛鳴  
流風韻九成  
調高時慷慨  
曲變或淒清  
征客懷離緒  
隣人思舊情  
幸以知音故  
千載有竒聲

同前

李嶠

羌笛寫龍

一作餘

聲長吟入夜  
清關山孤月  
下來向隴頭

鳴逐吹梅  
花落含春柳  
色驚行觀  
向子賦坐憶  
舊鄰情

清溪半夜聞笛

李 白

羌笛梅花引吳溪隴水清寒山秋浦月腸斷玉關情

與史郎中飲聽黃鶴樓吹笛 前 人

一為仙客去長沙西望長安不見家黃鶴樓中吹玉笛

江城五日落梅花

觀胡人吹笛 前 人

胡人吹玉笛一半是秦聲十月吳山曉梅花落敬亭愁  
聞出塞曲淚滿逐臣纓却望長安道空懷戀主情

江中聞笛

王昌齡

橫笛怨江月扁舟何處尋  
聲長楚山外曲繞胡關深  
相去萬餘里遙傳此夜心  
寥寥浦嶼寒響盡唯幽林  
不知誰家子復奏邯鄲音  
水客皆擁棹空霜遂盈襟  
疲馬顧北走遷人悲越吟  
何當邊草白旌節龍城陰

塞上聽吹笛

高適

雪淨胡天牧馬還月明羌笛戍樓間

一作胡人羌笛戍樓間樓上蕭條明

月  
間借問梅花何處落風吹一夜滿關山

聞笛

李益

回樂峰前沙似雪，受降城外月如霜。  
不知何處吹蘆管，一夜征人盡望鄉。

寄岷笛與宇文舍人

杜牧

調高銀字聲，還側物比柯。亭韻較奇，寄與玉人天上去。  
桓將軍見不教吹。

寄澧州張舍人

前人

髮勻肉好生春嶺，截玉鑽星寄使君。  
檀的染一作深時痕。

半月落梅飄處響穿雲樓中威鳳傾冠聽沙上驚鴻掠  
水分橫想紫泥封詔罷夜深遙隔禁墻聞

夜上受降城

一無此  
五字

聞笛

李

益

一作  
戎昱

入夜思歸

一作  
歸思

切笛聲清更哀愁人不願聽自到枕前

來風起寒

一作  
寒

雲斷夜深關月開平明獨惆悵落

一作  
飛

盡一庭梅

雜樂

詠鐘

李嶠

既接南鄰磬還同

一作隨

北里笙平陵通曙響長樂徹

單題

詩作驚

宵聲秋至含霜動春歸應律鳴豈惟恒待扣金篴

有餘清

夜聞簾策

杜甫

夜聞簾策滄江上衰年側耳情所向鄰舟一聽多感傷  
塞曲三更歛悲壯積雪飛霜此夜寒孤燈急管復風湍  
君知天地干戈滿不見江湖行路難

窟石磬子人

梁鍾



刻木牽絲作老翁，雞皮鶴髮與真同。  
須臾弄罷，叔無事，還似人生一世中。

樓中閱清管

韋應物

山陽遺韻在林端，橫吹驚響迴憑高。  
閣曲怨繞秋城，淅瀝危葉振蕭瑟。  
涼風生始遇絲，一作茲管賞已懷故園情。

詠拍板

朱灣

赴節心長在從繩，道可

集作自

觀須知片木用，莫向

集作作

散材看空為歌，偏苦仍愁和。即難既能親掌握，願得接


同歡

聽杜山人彈胡笳

戎昱

綠琴胡笳誰妙彈  
山人杜陵名庭蘭  
杜君少與山人友  
山人沒來今已久  
當時海內求知音  
囑付胡笳入君手  
杜陵工琴四十年  
琴聲在音不在絃  
座中為我奏此曲  
滿堂蕭颯如窮邊  
第一第二拍淚盡  
蛾眉沒蕃客更聞  
出塞入塞聲穹廬  
氊帳難為情  
胡天雨雪四時下  
五月不曾芳草生  
須臾促軫變宮徵  
一聲悲兮一聲喜  
南看

漢月雙眼明却顧胡兒寸心死回鶻數年收洛陽洛陽士  
女皆驅將豈無父母與兄弟聞此哀情皆斷腸杜陵先  
生證此道沈家祝家皆絕倒如今世上雅風衰若箇深  
知此聲好世上愛箏不愛琴誰明此調難知音今朝促  
軫為君奏不向俗流傳此心



文苑英華卷二百十二